


KOMMUNIMUT PILERSAARUMMUT
TAPILIUSSQ 1C15-4, Seminariap eqqaa
Nuuk, siunertanut ataatsimoorussanut
Oktobari 2009



KOMMUNEQARFIK **SERMERSOOQ**
Anlægs- og Miljøforvaltningen

Imai

ILITSERSUUT.....	3
NASSUIAAT.....	4
Tunuliaqutaa.....	4
Pilersaarusiorkfik	4
Pilersaarutip siunertaa imaalu	8
Pilersaarusiorknermut allamut tunngasut.....	9
Pilersaarutip inatsisaanik atortitsigallarneq	Fejl! Bogmærke er ikke defineret.
pilersaarutip inatsisaanik atortussanngortitsineq	10
Tamanut saqqummiussineq.....	10
ATAATSIMUT AALAJANGERSAKKAT	11
§ 1 Kommunimut pilersaarummut tapiliussap siunertaa.....	11
§ 2 Kommunimut pilersaarummut tapiliussami immikkoortoq agguataarneralu	11
§ 3 Immikkoortumik atuineq.....	11
§ 4 Initussuseq.....	11
§ 5 Sanaartugaq.....	11
§ 6 Sumiiffiup ilaata aqquteqartinneqarnera	12
§ 7 Avatangiisimut piumasaqaatit killeqarfiillu immikut ittut.....	12
§ 8 Ilutsit allanngutsaaliugassat	12
§ 9 Immikkoortukkuutaanik aalaja-ngersakkat.....	12
§ 10 Illup annertussusia inissisimaffialu	13
§ 11 Sanaartukkap silatimigut isikkua	13
§ 12 Aqquserngit, aqqusineqqat biilinullu uninngasarfiit	13
§ 13 Nunaminertat sanaartorfiunngitsut.....	13
§ 14 Teknikkimut atortut.....	14
§ 15 Avatangiisimut tunngasut	14
§ 16 Illoqarfiup ilaanut pilersaarummik atorunnaarsitsineq	14
AKUERSISSUTEQARNEQ	15
ILANNGUSSAT	
Ilanngussaq 1:	Immikkoortup ilaa aamma immikkoortup ilai annikinnerit
Ilanngussaq 2:	Sanaartorfissiat

ILITSERSUUT

Kommunimut pilersaarummut tapiliussami nunaminertat, illut nutaat, aqqusineeqqat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq iluseqassanersut aalajangersarneqartarput.

Kommunimut pilersaarummut tapiliussaq nassuiaatitaqarpoq aammalu aalajangersagartaqarluni.

Nassuiaatini kommunimut pilersaarummut tapiliussap siunertaa anguniagaalu naatsumik oqaluttuarineqartarput, kommunimut pilersaarummut tapiliussami sumiiffimmi eqqaanilu pioreersut aammalu kommunimut pilersaarummut tapiliussanut allanut qanoq attuumasuteqarnersoq.

Kommunimut pilersaarummut tapiliussaq aalajangersakkanut ataatsimoortunut aalajangersimasunullu agguataarneqarpoq. aalajangersakkat tamarmik allanngortinneqarsinnaanngillat, taamaattorli aalajangersakkat aalajangersimasut aallaavigalugit immikkut ittumik akuersisuteqartoqarsinnaalluni.

Nunaminertanik atuneq pilersaarusernerlu pillugit Inatsisartut peqqussutaat nr. 11, 5. december 2008-meersoq malillugu Kommunalbestyrelse kommunimut pilersaarummut tapiliussamik pilersaaruser-tussaatitaavoq:

- *Kommunimut pilersaarusernerup piviusunngortinneqarnissaa qulakkeerniassallugu pisariaqartinneqarpat.*
- *Angisuumik illuliassaq, atortulersuutit imaluunniit nunaminertamik atugassiinerit aallartinneqartinnaq.*

Taamaattumik kommunimut pilersaarummut tapiliussassatut siunner-suut tamanut saqqummiunneqartussaavoq innuttaasut pilersaarut pil-lugu tusarniaanermut akissuteqaateqarsinnaaqqullugit akerliliis-suteqarsinnaaqqullugillu. Tamatuma kingorna oqaaseqaatit akerliliis-sutillu pilersaarutit inaarutaasumik akuersissutigineqannginnerani kommunalbestyrelsimit naliliiffigineqassapput.

Kommunimut pilersaarummut tapiliussap inatsisitigut atuuffii kommunimut pilersaarummut tapiliussami erseqqissumik allaaserineqarput.

NASSUIAAT

Tunuliaqutaa

Kommunalbestyrelsimit 2004-mi maajimi illoqarfiup ilaanut pilersaarut 1C15-3, Seminariap eqqaa, akuersissutigineqarpoq. Illoqarfiup ilaanut pilersaarummi sumiiffiup siunisami sanaartorfigineqarnissaa, atorneqarnissaa isikkoqartinneqarnissaalu pillugit aalajangersaaffigineqarpoq.

Taamaattorli sumiiffiup piorsaavigineqarnissaa pillugu kissaatit nutaat takkussimapput. Seminarip eqqaa pillugu anguniakkat maanamullu ineriartortinneqarsimanerisa imminnut nallersuuttunngortinneqarnissaat angujumallugu Kommunalbestyrelsimit aalajangersaqarpoq nutaamik sumiiffik kommunimut pilersaarummut tapiliussamik pilersaarusiorneqassasoq.


Kommunimut pilersaarummut tapiliussami nutaami 1C15-4-mi siunertarineqarpoq siunisami sanaartugassat aamma sumiiffiup ilisarnaa-taanik ataqatigiissaarinnissaq. Sumiiffik nalissaqanngitsumik oqaluttuarisaaneq eqqarsaatigalugu inissisimavoq, taamaattumik kommunimut pilersaarummut tapiliussami illut oqaluttuarisaanermut pingaarutillit sumiiffimmi ersarissuutinneqarnissaat qulakkeerneqassaaq.

Sumiiffiup oqaluttuarisaanermut attuumassuteqarneranik annerusumik mianerinninnissap kingunerivaa kommunimut pilersaarummut tapiliussami aamma anguniarneqassasoq sumiiffiup ilaata immikkoortortaanik eqqarsarluarnerulluni pilersitsinnissaq.

Kommunimut pilersaarummut tapiliussami immikkoortunut killeqarfiit 1C15 aamma 1C18 allannguuteqartinneqarput.

Pilersaarusiorkik

Immikkoortup ilaa, asseq 1-mi takutinneqartoq, annerusumik ilinniartitaanermut kollegiaqarnermullu atorneqarpoq. Meeqqeriviit ataasiakkaat halilu annikinnerusoq aamma



Asseq 1) Illoqarfiup ilaanut pilersaarusiorkik

tamaaniipput. Immikkoortup ilaa 7,4 ha-it missaannik annertussuseqarpoq Nuup illoqarfiata ilaaniilluni.

Sumiiffik Nuummi illuliorfigineqartut siulliit ilagivaat. 1907-imi seminaria sananeqarmat eqaarsaartarfilerlugu taamani tamanna kulturip iluani susoqarfinnut qitiulerpoq.

Sanaartukkat

Immikkoortup ilaa illutamigut assut assigiinngiaartiterpoq, ilai oqaluttuarisaaneq eqqarsaatigalugu immikkut pingaaruteqarlunnartuupput allanngutsaaliugassat, ilaalu illulioraatsikkut nutaaliaapput aamma isikumikkut. Siusinnerusukkut tamanna ammanerusutut isikkoqarsimagaluarpoq illutai siammasinnerullutik.

Sumiiffimmi sanaartukkat annerusumik qisummik sanaajupput aappalaartumillu qalipaateqarlutik. Taamaattorli atuarfik Qorsusuaq qorsuusoq ilaavoq taamatullu avanna' tungaani TELE-p illutaa tungujortumik qalipaatilik.

Sumiiffimmi illut arlallit allanngutsaaliugasat ipput, taakku sumiiffimmik immikkuullarissisitsisupput. Sumiiffimmi illut inissisimaneri ilanngussaq 1-imi takuneqarsinnaapput. Matuma ataani illut oqaluttuarisaanermut kulturimullu pingaarutillit tullerriaarneqassapput:



Asseq 2) B-1401 Seminariap eqaarsaarfia

B-1401, asseq 2 takuuk. Seminariap eqaarsaarfia 1908-mi atulersoq. Eqaarsaarfik illoqarfinnut kulturikkut politikkikkullu pingaaruteqarsimavoq, ilaatigut 1941-1953-imut landsrådi illumi tassani ataatsimiittarsimavoq. Illu taamani nunani avannarlerni illuliortaaseq tunngavigalugu sanaajuvoq, sannamigullu assigiinngitsorpasuarnik immikkuualuttoqarpoq. Illu eqqissisimatitaavoq. Illussanik titartaasartumit Carl C. Hansenimit titartagaavoq.

B-144, takuuk asseq 3. Seminariap illutaa. Illu 1907-imi atulervoq B-44-tullu nunani avannarlerni illuliortaaseq malillugu sanaajulluni. Illu sanaajuvoq saarni katitigaallutik silataa ilualu salliligaallutik. Illu aappalaartumik sinnaalu sungaartumik qalipaateqarpoq igalasarfii sukaalu qaqortuullutik. Illumut uiguutit



Asseq 3) B-144 Seminariap illutaa

assinginik qalipaateqarput. Kukkukooq angutiviaq qarlortoq tassaavoq seminariami oqaasinnaamik eqqaasitsisuuvoq "qummut siumut". Illu eqqissisimatitaavoq. Illussanik titartaasartumit Carl C. Hansenimit titartagaavoq.



Asseq 4) B-148 "Ukunuuma"

B-148, takuuk asseq 4. Nerisarfiusimasoq "Ukunuuma" 1928-mi atulervoq. Illu nerisarfioqqaarpoq seminariami ilinniartut nerisarfia. Illussanik titartaasartoq Helge Bojsen-Møller titartaasuvoq.



Asseq 5) B-132 "Títo"

B-132: "Títo", takuuk asseq 5, seminariami ilinniartut inaat 1935-36-mi sanaajusoq, taasuma ungataani marlunnik uigusaqarsimagaluarpoq. Ineriartornerulli malitsigisaanik ingitserneqarsimapput. Illussanik titartaasartoq Helge Bojsen-Møller titartaasuvoq.



Asseq 6) B-151: Meeqqat atuarfiat

B-151, asseq 6 takuuk. Illu taanna 1919-imi aqquernup illua'tungaani meeqqanut atuarfissatut sanaajuvoq. Sumiiffiali masarsuummat illu 1931-mi ullumikkut inissisimaffianut nuunneqarpoq. Illussanik titartaasartoq Helge Bojsen-Møller titartaasuvoq.

Illu B-131 aamma allanngutsaaliugassaavoq. Taanna ilinniartut inissaattut sanaajuvoq.

Immikkoortup ilaata avatangiisai

Sumiiffiup avannamut kangiani nuna sanaartorfigeqqusaanngitsoq ippoq qaqqajunnartalik tasilillu. Sumiiffiup kitaani kujataanilu illut pisoqqat allanngut-saaliugassallu ipput, ilaati-gut taakku sumiiffiup iluaniititerlutik. Sumiiffiit taakku pukkitsutut siammasiartutullu oqaatigineqarput.

Sumiiffik avannamut TELE-p illuutaanut, kimmut Qaqortoq kujammullu Gertrud Raskvej aamma Inspektørbakken killeqarpoq. Sumiiffiup kimmut Qaqortoq isikkivigivaa, tamanna atsissumiilluni. Kujammut kimmut appariartuaarpoq illutaalu siammasissuullutik. Tamanna Tasersuup eqqaa qanganitsanik illutaqarpoq aamma iliveqarfeqarluni allanillu illoqarluni qanganitsanik. Illoqarfiup ilaanut pilersaarusiortuup avatangiisai assimi 7-imi takuneqarsinnaapput.



Asseq 7: Illoqarfiup ilaanut pilersaarusiortuup

Nunap isikkua nunataalu

Seminariap eqqaa kujammut kimmut sivinga-sumiippoq eqqaani sumiiffinnit qatsinneru-sumiilluni, kitaaniippoq kangerluk Nuullu qiterisaqarfia kujataa'tungaaniilluni. Taamaammatt sumiiffik ersialaartumiippoq isikki-

villu eqqarsaatigalugu Nuup qeqqanut kangerlummullu isikkivigilluinnartumiilluni.

Sumiiffiup ersarissumiinnerata nassatarivaa isikkuata avatiminut aamma sunniuteqarnera. Tamaani avannamut kujammullu quassugaqarpoq soorlu pissusissamisoortumik sumiiffimmik avissaartitsisumik. Immikkoortup qeqqani qaqqajunnaqarpoq portunersaasumik, illu B-319 qaqqajunnami tassani ippoq.

Sumiiffik C. E. Jansensvejikkut, Farip Akqu-taatigut aamma Inspektørbakkenikkut aqquteqarpoq. Tamarmik kujataata'-tungaaneersuullutik.

Sumiiffimmi aqquuserngit sinaaniittut eqqaas-sanngikkaanni allanik aqqusineeraqanngilaq. Nunalli aqqutigineqarneratigut ilinniarfiit assigiinngitsut eqqaasigut aqqusineeranngor-simasut imminnut ataninitsitserput.

Pilersaarutip siunertaa imaalu

Atorneqarnera

Sumiiffik ataatsimoorussassatut atugassanngortinneqarpoq. Sumiiffimmik ilinniarti-taanermut aamma kollegianut atorneqarnissaa pillugu aalajangersaaneq attatiinnarneqarpoq periarfissaalluni ataasiakkaanik meeqqerive-qarsinnaanera. Kommunimut pilersaarummut tapiliussap siunertarivaa immikkoortup oqaluttuarisaanermut attuumassuteqarnera mianeralugu ineriartortinneqarsinnaanerani periarfissiuussinissaq.

Sumiiffimmik atuineq agguataarinerlu

Sanaartorfik annerusumik kujammut kimmutsammisumiippoq, sanaartukkat assigiinngitsunik portussuseqarlutik. Sanaartukkat illoqarfiup qeqqata tungaanut pukkiliartorput avannamut kangimut portuneruleriartorlutik. Sumiiffimmiittut assigiinngiiaarput, taaneqareersut oqaluttuarisaanermut pingaarutillit allanngutsaaliugassat kiisalu nutaajunerusut. Sanaartukkat annerusumik C. E. Jansensvejimi aamma Farip Aqputaa atuarlugu ippu.



Asseq 8) Immikkoortup ilai

Immikkoortup ilaa annikinnek 2 C.E. Jansensvej atuarlugu illut ippu, saavi aqqusinnermut sam-misuullutik. Kimmuts immikkoortup ilaa Qaqortup tungaanut sivingasuuvuq. Sumiiffimmi sanaartukkat ataatsimoortutut isikko-qartinneqarput, tamaani sanaartukkat ilai nutaajunerupput ataasiakkaallu quleriullutik.

Immikkoortup ilaa annikinnek 3 sumiiffimmi qatsinnersaavoq, killingatalu qaqqa-junnaap killinga atuarkannerlugu. Taamaallil-luni immikkoortup ilaa immikkuullarissutut isikkoqarpoq, sanaartugartaalu ilaatigut sisamanik quleriullutik.

Immikkoortup ilaa annikinnek 4 Farip Aqputaa atuarlugu ippoq, ilaatigut aturfik Qorsussuaq tamanilluni. Sumiiffimmi sanaartukkat immikkoortup ilaata sinneranit qalipaati-mikkut allaanerupput, aturfik qorsuulluni.

Immikkoortup ilaa annikinnek 5 immikkoortup ilaata annikinnerusup kujaterpiaa-niippoq isumassuivittaqarlunilu.

Sanaartukkat

Immikkoortut ilaanni sanaartukkat sumiiffimmut aamma ataatsimoortuunerinut naleqquttuunissaat anguniagaavoq. Pingaarnertillugu anguniagaalluni immikkoortup ilaani oqaluttuarisaanermut attuumassutillit ersarisarneqarnissaat aamma sanaartukkat nutaat sumiiffimmi ataatsimoortumik isikkoqartin-nissaat, iluseqartinnissaat qalipaateqartinnis-saat eqqarsaatigalugit.

Tassunga tunngatillugu qalipaati sakkukitsut naleqquttullu immikkoortumi taamaallaat atoqquneqarput, assersuutigalugu immikkoortumi illut allanngutsaaliugassat matumani eqqarsaatigineqarput. Taamatullu immikkoortut ilaanni sanaartukkat ataasiakkaat portussu-siat naapertorneqartariaqarluni. Immikkoortup ilaata iluani sanaartofissiat ataasiakkaat atugassanngortinneqarput, taakkulu nunamiit illup qalianut uuttuut kipkote taaneqartoq malillugu sanaartorfigineqarsinnaapput.

Angallannermut tunngasut, Aqquserngit aqqusineeqqallu

Aqqusinernut tunngasut allannguiffigineqas-sanngillat, C. E. Jansensvejikkut, Farip Aqqutaatigut kiisalu Inspektørbakkenikkut sulii aqquteqassaaq.

Aqquserngit amitsuuneri pissutigalugu sumiiffimmi sammivik ataaseq sammivigalugu aqqutit ingerlaarfigineqarsinnaanngortinneqarput, taamaalillunilu sumiiffimmukarneq C.E. Janssensvejikkut kiisalu sumiiffimmiit Skolevejikkut pisinnaanngorlugu. Skolevej ullumikkut ataatsimik sammiveqarluni ingerlaarfiuvoq. C. E. Janssensvej aamma Farip Aqqutaa atuarlugu aqqusineeraqalernissaa periarfissaalerpoq.

Nunap isikkua / Nunaminertat sanaartorfiunngitsut

Sumiiffiit sanaartorfiunngitsut sukisaarsarfittut atugassanngortinneqassapput imaluunniit pinngortitaassutsiminnik isikkuat allanngortinneqassanani.

Sumiiffik ungalulersorneqassanngilaq, meeqqeriviit eqqaassanngikkaanni, sumiiffik ilinniarfeqarfittut inissisimasuummat inuppas-suarnit ullut tamaasa aqqusaarneqartarluni, taakkulu ungalusaanngitsukkut ammasukkoortutik kajuminnartukkoornissaat anguniarneqarmat.

Avatangiiseq

Tele-p eqqaani pallitsaaliugaq ataqqineqassaaq.

Illoqarfiup ilaanut pilersaarutaareer-sumi aalajangersakkanik allannguutit

Kommunimut pilersaarummut tapiliussap siunertarivaa sumiiffimmi allanngutsaaliugassat annerusumik eqqumaffigineqarnerunissaat. Immikkoortup ilaata killeqarfianut immikkoortut marluk ilanngunneqarput, tassalu immikkoortup avannaatungaaniittoq aamma kujataa tungaaniittoq. Taamaaliluni immik-

koortup ilaata allanngortinneranut atatillugu illu B-144, seminariap illutaa, Seminariap eqqaanut, ilanngutsinneqarpoq. Immikkoortuq immikkoortunut nutaanut agguataarneqarpoq, taamaalillunilu sumiiffimmik ineriartortitsinissamut naapertuunnerulerlutik. Immikkoortut ilaasa portussusissaat immikkoortumi kisaatigineqartunut naapertuuttunngorlugit allanngortinneqarput.

Sanaartorfissiat ataasiakaat nutaat siunissami sumiiffimmik ineriartortitsinissamut atugas-sanngortinneqarput.

Pilersaarusiornermut allamut tunngasut

Kommunimut pilersaarut 2005-2014

Sumiiffik kommunimut pilersaarummi Immikkoortumut killiliussami 1C15-imi, Seminariap eqqaa, siunertanut ataatsimoorussanut atugassanngortinneqarpoq. Sumiiffik sulii sulliffeqarfinnut atugassaavoq, ilinniartitsinermut kollegianullu siunertallit ilanngullugit.

Kommunimut pilersaarummut tapiliussap uuma immikkoortumut 1C15-imut immikkoortunut aalajangersakkat atorunnaarsippai.

Sumiiffimmi illut allanngutsaaliugassat tassaapput: B-131, B-132, B-148 aamma B-151, illullu uku eqqissisimatitaapput: B-144 aamma B-1401.

Immikkoortumut killiliussat 1C15 aamma 1C18 kommunimut pilersaarummi 2005-2014-imi allanngortinneqarput.

Illoqarfiup ilaanut siusinnerusuklut pilersaarut

Illoqarfiup ilaanut pilersaarut atuuttoq tassaavoq 1C15-3, taanna 2004-mi majimi akuersissutigineqarpoq sumiiffimmik ineriartortitsinissaa aamma illut allanngutsaaliugassat imminnut naapertuuttuunissaat siunertaralugu suliarineqarluni.

Immikkoortumi immikkoortut ilai illoqarfiup ilaanut pilersaarutit 1C18-1-ip aamma 1C14-2-p iluanniipput. Taakku immikkoortut illoqarfiup ilaanut pilersaarummi imminnut qalleraattut atorunnaarsinneqarput matumani illoqarfiup ilaanut pilersaarutikkut.

Teknikkimik pilersuineq

Kiassarneq

Sumiiffik innaallagissamoortumik imaluunniit kiassaateqarfimmeersumik kiassarneqassaaq. Avatangiisimut ajoqutaanngitsut nukissiuutit allat atorineqarsinnaapput sorlu seqernup, nunap allallu kissaanit pisut atorineqarsinnaallutik.

Imeq

Sumiiffik pisortat imermik pilersuutaat aqqu-tigalugit imermik pilersorneqassaaq.

Imikoorut

Sumiiffik kommunip kuuffissuinut attaviler-neqarsimassaaq.

Eqqaaveqarneq

Kommunip eqqakkat pillugit malittari-sasaanut sukkulluunniit atuuttunut sumiiffik ilaavoq.

Biilinit uninngasarfinni eqqakkanut contain-erini inissiisoqassanngilaq.

Pilersaarutip inatsisaanik ator-tussanngortitsineq

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu pilersaarutissatut siunnersuummi ilaatinneqar-tut taamaallaat atorineqarsinnaapput imaluun-niit sanaartorfineqarsinnaapput kommuni-mut pilersaarummut tapiliussami aalajanger-sakkat naapertorlugit.

Immikkut pisoqartillugu malinninnginnerit annikitsut immikkut ittumik akuersissutigine-qarsinnaapput. Malinninnginnerilli annerusut

pitillugit tamanna nutaamik kommunimut pilersaarummut tapiliussamik pisariaqartitsis-saaq.

Kommunimut pilersaarummut tapiliussami imminermi nunaminertat, illut atortullu ilaa-tinneqartut imaanngilaq pinngitsoorani piler-sinneqassasut.

Nunaminertanik, illunik atortunillu malittari-sassat malillugit atuineq ingerlatiinnarne-qarsinnaavoq.

Akerlianik assersuutigalugu allatut atuineq imaluunniit nutaamik sanaartugaq kommuni-mut pilersaarummut tapiliussamik unioqqutit-sisumik pisinnaanngilaq.

Tamanut saqqummiussineq

Kommunimut pilersaarummut tapiliussassatut siunnersuut 1C15-4 Seminariap eqqaa, tama-nut oqallisissanngorlugu saqqummiunne-qarpoq piffissami ulloq 1. Juuli 2009-miit ulloq 26. Aggusti 2009-p tungaanut.

Piffissami tusarniaaviumi akerliliissutit oqaaseqaatillu 4 tiguneqarput, taamaattorli Namminersorlutik Oqartussani Nunamik pi-lersaarusiortuq tusarniaanermut akissuteqaa-tai piffissaq eqqorlugu tiguneqanngillat.

Kommunimut pilersaarummut tapiliussassaq kommunalbestyrelse ulloq 20. Oktobari 2009-mi ataatsimiinnerani suliarineqarpoq imatullu tamanut saqqummiunneqartumut sanilliullugu allannguuteqartillugu akuersissutigineqarluni:

- Sanaartorfissiani A aamma B-mi kipkote 2 meterinik ilaneqarpoq.
- Aaqqissuinikkut qanoq aalajangersakkat paasineqarnissaat erseqqis-saanerillu allanngortinneqarput.

Siunnersuutip assilineri Nunatta Atuagaa-teqarfiani, kommunip nittartagaani www.sermersooq.gl takuneqarsinnaavoq ima-luunniit Sanarfinermut Avatangiisinullu i-ngerlatsivimmi telefon 34 74 31 saaffigalugu pineqarsinnaapput.

ATAATSIMUT AALAJANGERSAKKAT

Matumuuna kommunalbestyrelsimit nunaminertanik atuineq pilersaarusiorderlu pillugit Inatsisartut peqqussutaat nr. 11, 5. december 2008-meersoq malillugu aalajangersakkat uku aalajangersarneqarput.

Aalajangersakkat ataatsimoortillugit aamma aalajangersimasunut agguataarneqarput.

Ilisimatitsissutit innersuussutillu kipungasumik naqinneqarput.

§ 1 Kommunimut pilersaarummut tapiliussap siunertaa

1.1 Kommunimut pilersaarummut tapiliussap siunertarivaa:

- Immikkoortup ilaata siunertanut ataatsimoorussanut taamaallaat ator-neqarnissaata qulakkeerneqarnissaa
- Sanaartornermi sumiiffiup oqaluttuarisaanermut attuumassutaanik immikkuullarissunik ersarissisitsinissamik qulakkeerrinninnissaq
- Immikkoortut ilaani ataasiakkaani sanaartukkat nutaat ilutsimikkut sumiiffimmi allanngutsaaliukkanut naleqqussarlugit ilusilernerneqarnissaat qulakkiissallugu, ataatsimoortutut ilutsimikkut, atortumikkut qalipaati-mikkullu isikkoqartillugit;
- Ilinniartitsiviusut kollegiallu ataasiakkaat allilernerneqarsinnaanissamik periarfissaqartitsinissamik qulakkeerrinninnissaq;
- Illut oqaluttuarisaanermi pingaartillit B-131, B-132 B-148, B-151 kiisalu illut eqqissisimatitat B-144 aamma B-1401 attatiinnarneqarnissaannik qulakkeerinissaq

§ 2 Kommunimut pilersaarummut tapiliussami immikkoortoq agguataarneralu

- 2.1 Immikkoortup ilaa 6 hektar-it missiliorlugit annertussuseqarpoq killeqarfialu ilanngussaq 1-imi takutinneqarpoq.
- 2.2 Immikkoortup ilaa immikkoortunut annikinnerusunut ukununga agguataarsimavoq 1, 2, 3, 4 aamma 5 taak-kulu ilanngussaq 1-imi takutinneqarput.

§ 3 Immikkoortumik atuineq

- 3.1 Sumiiffik taamaallaat siunertanut ataatsimoorussanut soorlu ilinniartitsiner-mut, suliffinnut aamma kollegianut taamatullu meeqqerivinnut eqaarsaarfimmullu siunertalinnut ator-neqarsinnaavoq.

Immikkoortut annikinnerit iluini atuineq pillugu aalajangersakkat immikkoortukkuutaanik aalajangersakkani takuneqarsinnaapput.

§ 4 Initussuseq

- 4.1 Sanaartorfissiat atugassanngortinneqartut sanaartorfioreerpata sumiiffik tamakkerluni sanaartorfiusimassaaq. Allannguisoqartillugu imaluunniit nutaamik sanasoqartillugu tamanna nutaamik kommunimut pilersaarummut tapiliussamik kinguneqartinneqassaaq.

§ 5 Sanaartugaq

- 5.1 Nutaamik sanaartugaq sumiiffimmi sanaartukkanut naapertuuttumik inissinneqarlunilu iluseqartinneqassaaq.
- 5.2 Sanaartorfissiani A-mi aamma B-mi sanaartugaq taamaallaat uuttuut kote 43 angullugu sananeqarsinnaavoq.
- 5.3 Sanaartorfissiaq C-mi sanaartugaq taamaallat kote 34,5 angullugu sananeqarsinnaavoq.

- 5.4 Sanaartorfissiaq D-mi nutaamik sanaartugaq annerpaamik 3-nik quleriutinneqarsinnaavoq kote 56 angullugu.
- 5.5 Sanaartorfissiaq E-mi taamaallaat kote 44 angullugu sanaartortoqarsinnaavoq.
- 5.6 Sanaartorfissiaq F-mi sanaartugaq taamaallaat kote 43 angullugu sananeqarsinnaavoq.

Aalajangersakkat allat immikkoortukkuutaanik aalajangersakkani takuneqarsinnaapput.

§ 6 Sumiiffiup ilaata aqquteqartinneqarnera

- 6.1 Immikkoortup ilaa aqqusinernit pioreersunit aqquteqartinneqassaaq: C. E. Jansensvej aamma Farip Aqqutaa, nunap assingani ilanngussami 1-mi takutinneqartutut.

Aalajangersakkat allat immikkoortukkuutaanik aalajangersakkani takuneqarsinnaapput.

§ 7 Avatangiisimut piumasaaqatit killeqarfiillu immikut ittut

- 7.1 Tele-p eqqaani pallitsaaliugaq ataqqineqassaaq, takuuk ilanngussaq 1.
- 7.2 Killeqarfiliussap iluani nutaamik sanaartortoqassanngilaq imaluunniit atorutuliisoqassanngilaq qinngornernik imaluunniit antenne-nut akornusersuisinnaasunik.
- 7.3 Ilangussaq 2-mi nunaminertap takutinneqartup iluani sanaartugaq kote 65 sinnerlugu portussuseqartinneqassanngilaq.

§ 8 Ilutsit allanngutsaaliugassat

- 8.1 Illut eqqissisimatitat allanngutsaaliugasallu ilutsimittut isikkoqartinneqassapput.

- 8.2 Immikkoortup ilaani illut oqaluttuariisaanermut pingaarutillit tassaapput eqqissisimatinneqartut imaluunniit allanngutsaaliugassat ukuusut:

Eqqissisimatitat: Illu B 1401 aamma illu B-144 allilernerqarsinnaanngillat, allanngortinneqarsinnaanngillat imaluunniit allatut allanngortinneqarsinnaanngillat.

Allanngutsaaliugassat: Illut allanngutsaaliugassat allilernerqarsinnaaneri imaluunniit allanngortinneqarsinnaaneri Kommunalbestyrelsimit akuersissutiginerqarsinnaavoq. Illut B-132, B-148, B-151 aamma B-131 illuupput allanngutsaaliugassat.

Illut allanngutsaaliugassat allanngortinneqar-nissaannut akuersissut aatsaat tunniunneqarsinnaavoq Naalakkersuisunut tusarniaareernerup kingorna.

§ 9 Immikkoortukkuutaanik aalajangersakkat

- 9.1 Immikkoortup ilaa 1 taamaallaat ilinniartitsinermut siunertalinnut atorneqarsinnaavoq.
- 9.2 Immikkoortup ilaani 1-mi sanaartorfissiat A, B aamma C taamaallaat Qeqqani Ilinniarnertunngorniarfimmittut atatillugit atorneqarsinnaapput.
- 9.3 Immikkoortup ilaa 2 taamaallaat kollegiaqarnermut suliffinnullu siunertalinnut atorneqarsinnaavoq.
- 9.4 Immikkoortup ilaa 3 taamaallaat ilinniartitsinermut kollegiaqarnermullu siunertalinnut atorneqarsinnaavoq.
- 9.5 Immikkoortup ilaa 4 taamaallaat ilinniartitsinermut, paaqqinniffittut kiisalu timersortarfittut assigisaannullu siunertalinnut atorneqarsinnaavoq.

9.6 Immikkoortup ilaa 5 taamaallaat utoqqaat illuannut aamma utoqqarnut inissianut atorneqarsinnaavoq.

§ 10 Illup annertussusia inissisimaffialu

10.1 Nutaamik illuliaq ilanngussaq 2-imi sanaartorfissiatut takutinneqartut iluini sananeqarsinnaavoq.

§ 11 Sanaartukkap silatimigut isikkua

11.1 Illup silatai annerusumik qisummik sanaajussapput. Atortussiat allat annikitsumik atorneqarsinnaapput.

11.2 Sanaartorfissiani A-mi aamma B-mi nutaamik sanaartukkat aappalaartumik qalipaateqartinneqassapput.

11.3 Sanaartorfissiani allani illut silataasa qalipaatai sakkortuujutinneqassanngillat eqqaanilu illut qalipaataannut naapertuuttuutinneqassapput, nunatsinni qalipaasersuutaasartut assigalugit (soorlu B-144).

11.4 Atortussiat qillertut qinngortitsisartullu atorneqassanngillat.

11.5 Illup sukaanut toqqavik nunap nammineq portussusianit pisariaqanngitsumik qaffasinnerutinneqassanngilaq. Illut nunamiit qatsinnersumiittunik naqqup atillit (kælderillit) taakku sukai nunamiit 0,7 meterinit portunerutinneqassanngillat.

§ 12 Akquserngit, akqusineeqqat biilinullu uninngasarfiit

12.1 C. E. Jansensvejip aamma Farip Akqutai sinerlugit akqusineeqqanut nunaminertaliisoqarsinnaavoq.

12.2 Nunap assingani 1-imi takutinneqartumi "P"-mik nalunaaqutsikkani biilinut uninngasarfissanut nunaminertassaliisoqassaaq.

12.3 Immikkoortut ilaanni 1, 3 aamma 4-mi etagearealimut 150 m² –imut biilinut uninngasarfik 1 atugassanngortinneqartassaaq.

12.4 Immikkoortup ilaani 2-p iluani inimut imaluunniit inissiamut ataatsimut biilinut uninngasarfik 0,2 atugassanngortinneqartassaaq.

§ 13 Nunaminertat sanaartorfiunngitsut

13.1 Nunaminertanik annikitsunik meeqqerivinnut atatillugu ungaluliinissaq akuerineqarsinnaavoq. Annerpaamik 1,2 meterinik portussuseqartinneqassaaqqassanngilaq.

13.2 Illut ungalulernerqarsinnaapput taamatut iliorneq illup allanngutsaaliugaaneranut ersarissaataassappat. Ilusissaa inissinneqarnissaa Kommuneqarfik Sermersuumit akuerineqaaqassaaq.

13.3 Qaqqat naasullu sapinngisamik allanngutsaalineqassapput. Sanaartornermut atatillugu nunagissaasoqartillugu nuna mianersuunneqartassaaq.

13.4 Nunami naasut imaluunniit nunap qaava sanaartorneq allatulluunniit suliaqarneq pissutigalugit aserorneqarsimassappat iluarseqqinneqassapput.

13.5 Ilanngussaq 2-mi nunaminertap takutinneqartup iluani qaartitsisoqarsinnaavoq. Kote 43 angullugu taamaallaat qaartitsisoqarsinnaavoq.

13.6 Avatangiisimut ajoqutaanngitsumik nukissiummik atortuliisoqarsinnaavoq taanna immikkoortumut takussunarsaataassanngippat.

Qaarsumit kissaq pippat atortuliunneqartoq assanneqarsimassaaq illullu ilaatut illumut ilanngullugu suliarineqarsimassalluni.

Seqineq atorlugu nukissiuutip ersittortaa illup qaavaniitinneqassaaq illullu portussusia qaangersimassanngilaa.

Nukissiuutinik allanik atuinissaq Kommuneqarfik Sermersuumit akuereqqaarneqarsimassaaq.

§ 14 Teknikkimut atortut

14.1 Nutaamik sanaartukkat aamma illumut alliliissutaasut innaallagissamoortumik allatulluunniit avatangiisumut akornutaanngitsumik kiassaateqartinneqassaput.

Sanatitsisup/nunaminertamik atugassinneqartup nammineq akisussaaffigivaa oqartussaasut allat akuersissutaannik piniarnissaq, soorlu kiassariaatsimut atavilersinnissamut akuersissut sukkulluunniit atuutsinneqartoq.

14.2 Nutaamik sanaartugaq pisortat imermik pilersuutaannut attavilerneqassaaq.

14.3 Imikoorut kuuffissuuartigoortinneqassaaq.

Nunap qaani imeq, illup qalianeersoq ilanngullugu, kuuffissuuartigoortinneqassanngilaq eqqaani illunut, aqqusinernut, aqqusineeqqanut nunaminertanullu sanaartorfiunngitsunut akornutaasussanngorlugu.

14.4 Nutaamik sanaartortoqartillugu aamma illumik allangortitsisoqartillugu ledningit allangortinneqarnerinut aningaasartuutit sanatitsisumit akilerneqartassaput.

§ 15 Avatangiisimut tunngasut

15.1 Eqqakkanut malittarisassat atuuttut mallugit sanaartornermi eqqakkat aaneqartarnissaannut inissinneqartarnissaanullu inissaqartitsisoqartassaaq.

15.2 Eqqakkanik immikkoortiteriviit illumut atasumut inissinneqassapput imaluunniit assiaqutalimmiitinneqassapput.

15.3 Ungalusat avataanni containerinik inissiisoqassanngilaq.

15.4 Eqqakkat inissinneqartassapput aputaajarsimasumi allatulluunniit akornuteqanngitsumik aaneqarsinnaasunngorlugit.

§ 16 Illoqarfiup ilaanut pilersaarummik atorunnaarsitsineq

16.1 Kommunimut pilersaarummut tapiliussap akuerisap tamanut saqqummiunneqarneranut atatilugu illoqarfiup ilaanut pilersaarut 1C15-3 Seminariap eqqaa atorunnaarsinneqassaaq.

16.2 Kommunimut pilersaarummut tapiliussap akuerisap tamanut saqqummiunneqarneranut atatilugu illoqarfiup ilaanut pilersaarutini 1C18-1-imi aamma 1C14-2-mi immikkoortut kommunimut pilersaarummut tapiliussamut qalleraattut atorunnarsinneqarput.

AKUERSISSUTEQARNEQ

Matumuuna Kommunimut pilersaarummut tapiliussaq 1C15-4 eqqaa, inaarutaasumik Kommuneqarfik Sermersuumi kommunalbestyrelsimit akuersissutigineqarpoq ulloq 20. oktobari 2009-mi.

Kommuneqarfik Sermersooq ulloq

Asii Chemnitz Narup
Borgmesteri


/

Thorkild M. R. Lauridsen
Pisortaanerugallartoq

Kommunimut pilersaarummut tapiliussaq ulloq 25. novembari 2009-mi tamanut saqqummiunneqarpoq

Nalunaaqutsiussat nassuiaataat / Signaturforklaring

-  Immikkoortup ilaanut killeqarfik /
Delområdeafgrænsning
-  Immikkoortup ilaani immikkoortup
annikinnerup killeqarfia
/Detailområdeafgrænsning
-  Pallitsaaliukkamut killeqarfik,
Tele-p atortua
/Spærrezoneafgrænsning,
Teles anlæg
-  Illut allanngutsaaliukkat
eqqissimatitallu
/Bevaringsværdige og
fredede bygninger



KOMMUNEQARFIK SERMERSSOOQ
Sanarfinermut avatangiiisnnullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 1C15-4
Kommuneplantillæg 1C15-4


Illanngussaq 1 Pisutsit pioreersut
Bilag 1 Eksisterende forhold

Okt. 2009
Uttuut / Mål 1:2000

0m 10 20 30 40 50

Nalunaaqtsiussat nassuiaataat / Signaturforklaring

-  Immikkoortup ilaanut killeqarfik
/Delområdeafgrænsning
-  Immikkoortup ilaani immikkoortup
annikinnerup killeqarfia
/Detailområdeafgrænsning
-  Illut allanngutsaaliukkat
eqqissisimatittallu/Bevaringsværdige og
fredede bygninger
-  Sanaartorfissiaq/Byggefelt
-  Pallitsaaliukkamut killeqarfik,
Tele-p atortua /Spærrezoneafgræns-
ning, Teles anlæg
-  Qaartitikkapannertussusia/
Sprængningskote
-  Sanaartukkat kote 65
sinnersimassanngilaat /
Spærrezone. Ingen
bebyggelse over kote 65



KOMMUNEQARFIK SERMERSSOOQ
Sanaarfinermut avatangisinnullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 1C15-4
Kommuneplantillæg 1C15-4

Illanngussaq 2 Sanaartorfissat aammalu
Bilag 2 Byggefelter

Okt. 2009

Uuttuut / Mål 1:2000

0m 10 20 30 40 50